

## Послѣдованіе ко Святому Причащенію.

Моли́твами святы́хъ оте́ць на́шихъ, Го́споди Иису́се Христе́, Бо́же нашъ, поми́луй насъ. Ами́нь.

Сла́ва Тебѣ́, Бо́же нашъ, сла́ва Тебѣ́.

Царю́ Небе́сный, Утѣ́шителю, Ду́ше и́стины, Иже вездѣ́ сый и вся́ исполня́й, Сокро́вище благи́хъ и жи́зни Пода́телю, прииди́ и всели́ся въ ны, и очисти́ ны отъ всякі́я скве́рны, и спаси́, Бла́же, ду́шы на́ша.

Святы́й Бо́же, Святы́й Крѣ́пкій, Святы́й Безсме́ртный, поми́луй насъ (*трижды*).

Сла́ва Отцу́ и Сы́ну и Свято́му Ду́ху, и ны́нѣ и при́сно и во вѣ́ки вѣ́ковъ. Ами́нь.

Пресвята́я Тро́ице, поми́луй насъ; Го́споди, очисти́ грѣ́хи на́ша; Влады́ко, прости́ беззаконі́я на́ша; Святы́й, посѣ́ти и исцѣ́ли немо́щи на́ша, и́мене Твоего́ ра́ди.

Го́споди, поми́луй (*трижды*).

Сла́ва Отцу́ и Сы́ну и Свято́му Ду́ху, и ны́нѣ и при́сно и во вѣ́ки вѣ́ковъ. Ами́нь.

Отче нашъ, Иже еси́ на небесѣ́хъ! Да святит́ся и́мя Твое́, да при́детъ Ца́рствіе Твое́, да бу́детъ во́ля Твоя́, я́ко на небеси́ и на земли́. Хлѣ́бъ нашъ насущный даждь намъ днесь; и оста́ви намъ до́лги на́ша, я́коже и мы оставя́емъ должникомъ на́шимъ; и не введи́ насъ во искуше́ніе, но изба́ви насъ отъ лука́ваго.

Го́споди, поми́луй (*12*).

Сла́ва Отцу́ и Сы́ну и Свято́му Ду́ху, и ны́нѣ и при́сно и во вѣ́ки вѣ́ковъ. Ами́нь.

Прииди́те, поклоним́ся Царе́ви на́шему Бо́гу.

Прииди́те, поклоним́ся и припаде́мъ Христу́, Царе́ви на́шему Бо́гу.

Прииди́те, поклоним́ся и припаде́мъ Самому́ Христу́, Царе́ви и Бо́гу на́шему.

*И настоящія псалмы:*

### Псаломъ 22.

Госпо́дь пасе́тъ мя, и ничто́же мя лиши́тъ. На мѣ́стѣ́ зла́чнѣ́, та́мо всели́ мя, на водѣ́ поко́йнѣ́ воспита́ мя. Ду́шу мою́ обрати́, наста́ви мя

на стези́ правды, и́мене ра́ди Своего́. Аще бо и пойду́ по средѣ́ сѣни смѣртныя, не убою́ся зла, яко Ты со мною еси́: жезлъ Твой и па́лища Твоя́, та мя утѣшиста. Угото́валъ еси́ пре́до мною трапе́зу сопроти́въ стужа́ющимъ мнѣ́: ума́стиль еси́ еле́омъ главу́ мою́, и ча́ша Твоя́ упоява́ющи мя, яко держа́вна. И ми́лость Твоя́ пожене́тъ мя вся дни живота́ моего́: и е́же вселитимися въ домъ Госпо́день въ долготу́ днй.

### Псаломъ 23.

Госпо́дня земля́, и исполне́ние ея́, вселенная, и вси живу́щии на ней. Той на моря́хъ основа́лъ ю́ есть и на рѣ́кахъ уго́товалъ ю́ есть. Кто възы́детъ на го́ру Госпо́дню? или́ кто ста́нетъ на мѣ́стѣ́ святѣ́мъ Его́? непови́ненъ рука́ма, и чистъ се́рдцемъ: и́же не прія́тъ все́ ду́шу свою́, и не кля́тся ле́стїю и́скреннему своему́. Сей пріи́метъ благослове́ние отъ Го́спода, и ми́лостыню отъ Бо́га Спа́са своего́. Сей родъ и́щущихъ Го́спода, и́щущихъ лице́ Бо́га Іа́ковля. Возми́те врата́ кня́зи ва́ша, и возми́теся врата́ вѣ́чная: и вни́детъ Царь сла́вы. Кто есть сей Царь сла́вы? Госпо́дь крѣ́покъ и си́ленъ, Госпо́дь си́ленъ въ бра́ни. Возми́те врата́ кня́зи ва́ша, и возми́теся врата́ вѣ́чная: и вни́детъ Царь сла́вы. Кто есть сей Царь сла́вы? Госпо́дь си́ль, Той есть Царь сла́вы.

### Псаломъ 115.

Вѣ́ровахъ, тѣ́мже возглаго́лахъ: азъ же смири́хся зѣ́ло. Азъ же рѣ́хъ во изступле́нии мое́мъ: всякъ чело́вѣкъ ложь. Что возда́мъ Го́сподеви о все́хъ, я́же воздаде́ ми? Ча́шу спасе́нія пріиму́, и и́мя Госпо́дне призову́: моли́твы моя́ Го́сподеви возда́мъ предъ все́ми лю́дьми Его́. Честна́ предъ Го́сподемъ смерть преподо́бныхъ Его́. О Го́споди, азъ ра́бъ Твой, азъ ра́бъ Твой, и сынъ рабы́ни Твоея́: растерза́лъ еси́ у́зы моя́. Тебѣ́ пожру́ же́ртву хвалы́, и во и́мя Госпо́дне призову́: моли́твы моя́ Го́сподеви возда́мъ предъ все́ми лю́дьми Его́: во дво́рѣхъ до́му Госпо́дня, посредѣ́ тебе́, Іерусали́ме.

Сла́ва Отцу́, и Сы́ну, и Свято́му Ду́ху, и ны́нѣ и при́сно, и во вѣ́ки вѣ́ковъ. Ами́нь.

Аллилу́їа, аллилу́їа, аллилу́їа. Сла́ва Тебѣ́, Бо́же (*трижды*).

Господи, помилуй (*трижды*).

### Тропари, гласъ 8-й:

Беззаконія моя презри, Господи, отъ Дѣвы рождейся, и сердце мое очисти, храмъ то творя пречистому Твоему тѣлу и крови: ниже отрини мене отъ Твоего лица, безъ числа имѣяй велию милость.

Слава Отцу и Сыну и Святому Духу:

Во причастіе святѣнь Твоихъ како дерзну недостойный? Аще бо дерзну къ Тебѣ приступити съ достойными, хитонъ мя обличаетъ, яко нѣсть вечерній: и осужденіе исходатайствую многогрѣшной души моеѣ. Очисти, Господи, скверну души моеѣ, и спаси мя, яко Человѣколюбець.

И нынѣ и присно и во вѣки вѣковъ. Аминь.

Многая множества моихъ, Богородице, прегрѣшеній, къ Тебѣ прибѣгохъ, Чистая, спасенія требую: посети немоществующую мою душу, и моли Сына Твоего и Бога нашего, дати ми оставленіе, яже содѣяхъ лютыхъ, единая благословенная.

### *Во святую же и Великую Четырдесятницу рцы сіе:*

Егда славнии ученицы на умовеніи вечера просвѣщахуся, тогда Іуда злочестивый сребролюбиемъ недоуовавъ омрачашеся, и беззаконнымъ судіямъ Тебѣ праведнаго Судію предаетъ. Виждь, имѣній рачителю, сихъ ради удавленіе употребивша: бѣжи несытыя души, Учителю таковая дерзнувшія. Иже о всѣхъ благій Господи, слава Тебѣ.

### Псаломъ 50.

Помилуй мя, Боже, по величїи милости Твоеѣ, и по множеству щедротъ Твоихъ очисти беззаконіе мое. Наипаче омый мя отъ беззаконія моего, и отъ грѣха моего очисти мя; яко беззаконіе мое азъ знаю, и грѣхъ мой предо мною есть выну. Тебѣ Единому согрѣшихъ и лукавое предъ Тобою сотворихъ, яко да оправдишися во словесѣхъ Твоихъ, и побѣдиши вневгда судити Ти. Се бо, въ беззаконіихъ зачатъ есмь, и во грѣсѣхъ роди мя мати моя. Се бо, истину возлюбилъ еси; безвѣстная и тайная премудрости Твоеѣ явилъ ми еси. Окропиши мя

вспомогу, и очищуся; омыеши мя, и паче снѣга убѣлюся. Слуху моему даши радость и веселіе; возрадуются кости смиренныя. Отврати лице Твое от грѣхъ моихъ и вся беззаконія моя очисти. Сердце чисто созижди во мнѣ, Боже, и духъ правъ обнови во утробѣ моей. Не отвержи мене отъ лица Твоего и Духа Твоего Святаго не отыми отъ мене. Воздаждь ми радость спасенія Твоего и Духомъ владычимъ утверди мя. Научу беззаконныя путемъ твоимъ, и нечестивіи къ Тебѣ обратятся. Избави мя отъ кровей, Боже, Боже спасенія моего; возрадуется языкъ мой правдѣ Твоей. Господи, устнѣ мои отверзешы, и уста моя возвестятъ хвалу Твою. Яко аще бы восхотѣлъ еси жертвы, даль быхъ убо: всесоженія не благоволиши. Жертва Богу духъ сокрушенъ; сердце сокрушенно и смиренно Богъ не уничижитъ. Ублажи, Господи, благоволеніемъ твоимъ Сиона, и да созиждутся стѣны Иерусалимскія. Тогда благоволиши жертву правды, возношеніе и всесожегаемая; тогда возложатъ на олтарь Твой тельцы.

*И абие:*

**Канонъ, гласъ 2-й.**

**Пѣснь 1.**

**Ирмосъ:** Грядите людие, поимъ пѣснь Христу Богу, раздѣльшему море, и наставьшему люди, яже изведе изъ работы египетскія, яко прославися.

Сердце чисто созижди во мнѣ, Боже, и духъ правъ обнови во утробѣ моей.

Хлѣбъ живота вѣчнующаго да будетъ ми Тѣло Твое Святое, благоутробне Господи, и Честная Кровь, и недугъ многообразныхъ исцѣленіе.

Не отвержи мене отъ лица Твоего, и Духа Твоего святаго не отыми отъ мене.

Оскверненъ дѣлы безмѣстными окаянный, Твоего Пречистаго Тѣла и Божественныя Крове недостойнъ есмь, Христе; причащенія, егоже мя сподоби.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Земле благая, благословенная Богоневѣсто, класъ прозябшая неоранный и спасительный міру, сподоби мя сей ядуща спастися.

### ПѢСНЬ 3.

**Ирмось:** На ка́мени мя вѣры утвердивъ, разширилъ еси уста моя на враги моя. Возвеселибося духъ мой, внегда пѣти: нѣсть святъ якоже Богъ нашъ, и нѣсть праведенъ па́че Тебе́, Господи.

Сердце чисто созижди во мнѣ, Бо́же, и духъ правъ обнови во утробѣ моей.

Слезныя ми подаждь, Христе́, ка́пли, скверну́ сердца моего́ очищающыя: яко да благою совѣстію очищенъ, вѣрою прихожду́ и страхомъ, Влады́ко, ко причащѣнію Божественныхъ даровъ Твои́хъ.

Не отвѣржи мене́ отъ лица Твоего́, и Ду́ха Твоего́ святаго́ не отыми́ отъ мене́.

Во оставленіе да будетъ ми прегрѣшеній Пречистое Тѣло Твое́ и Божественная Кровь, Ду́ха же Святаго́ общеніе, и въ жизнь вѣчную, Человѣколюбче, и страстей и скорбей отчужденіе.

Слава Отцу́ и Сыну и Святому́ Ду́ху, и нынѣ и присно и во вѣки вѣковъ. Ами́нь.

Хлѣба живо́тнаго трапѣза Пресвята́я, свы́ше ми́лости ра́ди спѣдшаго, и мірови но́вый живо́тъ дающаго, и мене́ нынѣ сподоби недостойнаго, со страхомъ вкуси́ти сего́, и живу́ бы́ти.

### ПѢСНЬ 4.

**Ирмось:** Прише́лъ еси́ отъ Дѣвы, не ходатай, ни Ангель, но Самъ Господи воплощся и спаслъ еси́ всего́ мя челове́ка. Тѣмъ зову́ Ти: слава си́лъ Твоей, Господи.

Сердце чисто созижди во мнѣ, Бо́же, и духъ правъ обнови во утробѣ моей.

Восхотѣ́лъ еси́, насъ ра́ди воплощся, Многоми́лостиве, закла́нь бы́ти яко овча́, грѣхъ ра́ди челове́ческихъ: тѣмъ же молю́ Тя, и мои́ очисти согрѣшенія.

Не отвѣржи мене́ отъ лица Твоего́, и Ду́ха Твоего́ святаго́ не отыми́ отъ мене́.

Исцѣли́ души́ моея́ я́звы, Господи, и всего́ освяти́; и сподоби, Влады́ко, яко да причащуся тайныя Твоя́ Божественныя вѣчери, окая́нный.

Слава Отцу́ и Сыну и Святому́ Ду́ху, и нынѣ и присно и во вѣки вѣковъ. Ами́нь.

Уми́лостиви и мнѣ́ Су́щаго отъ утробы Твоя́, Влады́чице, и соблюди́ мя нескверна раба́ Твоего́, и непоро́чна, яко да прие́мъ умнаго бисера, освящуся.

### ПѢСНЬ 5.

**Ирмось:** Свѣта пода́телю и вѣковъ Творче, Господи, во свѣтъ Твои́хъ повелѣній наста́ви насъ: развѣ́ бо Тебе́, ино́го бо́га не знае́мъ.

Сердце чисто созижди во мнѣ, Бо́же, и духъ правъ обнови во утробѣ моей.

Якоже предрекль еси, Христэ, да будеть убо худому рабу Твоему, и во мнѣ пребуди, якоже обѣщался еси: се бо Тѣло Твое ямъ Божественное, и пію Кровь Твою.

Не отвержи мене отъ лица Твоего, и Духа Твоего святаго не отыми отъ мене.

Слове Божій и Боже, угль Тѣла Твоего да будеть мнѣ помраченному въ просвѣщеніе, и очищеніе оскверненной души моеї Кровь Твоя.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Маріе, Мати Божія, благоуханія честное селеніе, Твоими молитвами сосудъ мя избранный содѣлай, яко да освященій причащуся Сына Твоего.

### ПѢСНЬ 6.

**Ирмосъ:** Въ безднѣ грѣховнѣй валяся, неизслѣдную милосердія Твоего призываю бездну отъ тли, Боже, мя возведи.

Сердце чисто созижди во мнѣ, Боже, и духъ правъ обнови во утробѣ моеї.

Умъ, душу и сердце освяти, Спасе, и тѣло мое: и сподоби неосужденно, Владыко, къ страшнымъ тайнамъ приступити.

Не отвержи мене отъ лица Твоего, и Духа Твоего святаго не отыми отъ мене.

Дабы устранился отъ страстей, и Твоя благодати имѣлъ бы приложеніе, живота же утверждение, причащениемъ Святыхъ, Христэ, Тайнъ Твоихъ.

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Божіе, Боже, Слово Святое, всего мя освяти нынѣ приходящаго къ Божественнымъ Твоимъ Тайнамъ, Святыя Матере Твоя мольбами.

Господи, помилуй (*трижды*).

Слава Отцу и Сыну и Святому Духу, и нынѣ и присно и во вѣки вѣковъ. Аминь.

### Кондакъ, гласъ 2-й:

Хлѣбъ, Христэ, взяти не презри мя, Тѣло Твое, и Божественную Твою нынѣ Кровь, пречистыхъ, Владыко, и страшныхъ Твоихъ Тайнъ причаститися окаяннаго, да не будеть ми въ судъ, да будеть же ми въ животь вѣчный и безсмертный.

### ПѢСНЬ 7.

**Ирмосъ:** Тѣлу златому премудрѣя дѣти не послужиша, и въ пламень сами поидоша, и боги ихъ обругаша, среди пламене возопиша, и ороси я Ангель: услышася уже устъ вашихъ молитва.

Сердце чисто созижди во мнѣ, Боже, и духъ правъ обнови во утробѣ моей.

Источникъ благихъ, причащѣніе, Христе, безсмертныхъ Твоихъ нынѣ Таинствъ да будетъ ми свѣтъ, и животь, и безстрастіе, и къ преспѣянію же и умноженію добродѣтели Божественнѣйшія ходатайственно, еди́не Бла́же, я́ко да сла́влю Тя.

Не отвѣржи мене́ отъ лица Твоего́, и Ду́ха Твоего́ святаго́ не отыми́ отъ мене́.

Да избавлюся отъ страстей, и враговъ и ну́жды, и всякія скорби, трепетомъ, и любовію со благоговѣніемъ, Человѣколюбче, приступаяй нынѣ къ Твоимъ безсмертнымъ и Божественнымъ Тайнамъ, и пѣти Тебѣ сподоби: благословѣнь еси́, Господи, Бо́же отецъ нашихъ.

Сла́ва Отцу́ и Сы́ну и Свято́му Ду́ху, и нынѣ и присно и во вѣки вѣко́въ. Ами́нь.

Спа́са Христа́ ро́ждшая па́че ума́, Богоблагодатная, молю́ Тя нынѣ, рабъ Твой, Чи́стую нечи́стый: хотя́щаго мя нынѣ къ пречи́стымъ Тайнамъ присту́пѣти, очисти́ всего́ отъ скверны́ плоти́ и ду́ха.

### ПѢСНЬ 8.

**Ирмосъ:** Въ печь о́гненную ко о́трокомъ Евре́йскимъ снизше́дшаго, и пла́мень въ ро́су прело́жшаго Бо́га, по́йте дѣла́ я́ко Господа, и превозносите́ во вся вѣки.

Сердце чисто созижди во мнѣ, Боже, и духъ правъ обнови во утробѣ моей.

Небесныхъ, и страшныхъ, и святыхъ Твоихъ, Христе, нынѣ Таинъ, и Божественныя Твоя́ и тайныя вѣчеры, общника бы́ти и мене́ сподоби отча́яннаго, Бо́же Спа́се мой.

Не отвѣржи мене́ отъ лица Твоего́, и Ду́ха Твоего́ святаго́ не отыми́ отъ мене́.

Подъ Твое́ прибѣ́гъ благоутро́біе, Бла́же, со стра́хомъ зову́ Ти: во мнѣ пребу́ди Спа́се, и азъ, я́коже реклъ еси́, въ Тебѣ́: се бо дерзая́ на ми́лость Твою́, ямъ Тѣ́ло Твое́, и пи́ю Кро́вь Твою́.

Сла́ва Отцу́ и Сы́ну и Свято́му Ду́ху, и нынѣ и присно и во вѣки вѣко́въ. Ами́нь.

Трепещу́ прие́мля о́гнь, да не опалю́ся я́ко воскъ, и я́ко трава́: о́ле стра́шнаго та́инства! о́ле благоутро́бія Бо́жія! ка́ко Божественнаго Тѣ́ла и Кро́ве брѣ́ніе причаща́юся, и нетлѣ́ненъ сотворя́юся.

### ПѢСНЬ 9.

**Ирмосъ:** Безнача́льна Родите́ля Сы́нъ, Богъ и Госпо́дь, вопло́щся отъ Дѣ́вы, намъ яви́, омраче́нныя просвѣ́ти, собра́ти расточе́нная: тѣ́мъ всепѣ́тую Богоро́дицу велича́емъ.

Сердце чисто созижди во мнѣ, Боже, и духъ правъ обнови во утробѣ моей.

Христось есть, вкусите и видите: Господь насъ ради, по намъ бо древле бывый, единою Себе принесь, яко приношение Отцу Своему, присно закаляется, освящаяй причащающихся.

Не отвержи мене отъ лица Твоего, и Духа Твоего святаго не отыми отъ мене.

Душею и тѣломъ да освящуся, Владыко, да просвѣщуся, да спасуся, да буду домъ Твой, причащениемъ священныхъ Таинъ, живущаго Тя имѣя въ себѣ со Отцемъ и Духомъ, Благодѣтелю Многомилостиве.

Слава Отцу и Сыну и Святому Духу:

Якоже огонь да будетъ ми, и яко свѣтъ, Тѣло Твое и Кровь, Спасе мой, пречестная, опалая грѣховное вещество, сжигая же страстей терние, и всего мя просвѣщая, поклонятися Божеству Твоему.

И нынѣ и присно и во вѣки вѣковъ. Аминь.

Богъ воплотися отъ чистыхъ кровей Твоихъ: тѣмже всякій родъ поеть Тя, Владычице, умная же множества славятъ, яко Тобою явѣ узрѣша всѣми Владычествующаго, осуществавшагося человѣчествомъ.

*И абие:*

Достойно есть, яко воистину, блажити Тя Богородицу, присноблаженную и пренепорочную и Матерь Бога нашего. Честнѣйшую херувимъ и славнѣйшую безъ сравненія серафимъ, безъ истребленія Бога Слова рождшую, сущую Богородицу Тя величаемъ.

Святыи Боже, Святыи Крѣпкий, Святыи Безсмертный, помилуй насъ (*трижды*).

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Пресвятая Троице, помилуй насъ; Господи, очисти грѣхи наша; Владыко, прости беззаконія наша; Святыи, посети и исцѣли немощи наша, имене Твоего ради.

Господи, помилуй (*трижды*).

Слава Отцу и Сыну и Святому Духу, и нынѣ и присно и во вѣки вѣковъ. Аминь.

Отче нашъ, Иже еси на небесѣхъ! Да святится имя Твое, да приидетъ Царствие Твое, да будетъ воля Твоя, яко на небеси и на земли. Хлѣбъ нашъ насущный даждь намъ днесь; и остави намъ долги наша, якоже

и мы оставляемъ должникомъ нашимъ; и не введи насъ во искушение, но избави насъ отъ лукаваго.

*Тропарь дне, аще есть праздникъ Христова Рождества, или иной. Аще недѣля, тропарь воскресный по гласу. Аще же ни, сѣя:*

**Тропари, гласъ 6-й:**

Помилуй насъ, Господи, помилуй насъ: всякаго бо отвѣта недоумѣюще, сѣю Ти молитву яко Владыцѣ грѣшніи приносимъ: помилуй насъ.

Слава Отцу и Сыну и Святому Духу:

Господи, помилуй насъ, на Тя бо уповахомъ, не прогнѣвайся на ны зѣло, ниже помяни беззаконій нашихъ: но призри и нынѣ яко благоутробенъ, и избави ны отъ врагъ нашихъ. Ты бо еси Богъ нашъ, и мы людіе Твои, вси дѣла руку Твоею, и имя Твое призываемъ.

И нынѣ и присно и во вѣки вѣковъ. Аминь.

Милосердія двѣри отверзи намъ, Благословенная Богородице, надѣющіися на Тя да не погибнемъ, но да избавимся Тобою отъ бѣдъ: Ты бо еси спасеніе рода христіанскаго.

Господи, помилуй (40).

*И поклоны, елико хоцещи.*

*И абіе настоящія стихи:*

Хотя ясти, человекѣ, Тѣло Владычне,  
Страхомъ приступи, да не опалишися: огонь бо есть.  
Божественную же пія Кровь ко общенію,  
Первѣе примирися тя опечалившимъ,  
Таже дерзая, таинственное брашно яждь.

*Ины стихи:*

Прежде причастія страшныя жертвы  
Животворящаго Тѣла Владычня,  
Симъ помолися образомъ со трепетомъ:

**Молитва 1-я, Великаго Василия:**

Владыко Господи Иисусе Христе, Боже нашъ, источниче жизни и безсмертія, всея твари видимыя и невидимыя Содѣтелю,

безначальнаго Отца́ соприсносу́щный Сы́не и собезначальный: премно́гія ради́ бла́гости, въ послѣднія дни въ плоть оболкѣйся и распнѣйся, и погребѣйся за ны неблагода́рныя и злонравныя, и Твоею кровію обновѣвый растлѣвшее грѣхомъ естество́ наше: Самъ, Безсмѣртный Царю́, прѣими́ и мое́ грѣшнаго пока́ніе, и приклони́ у́хо Твое́ мнѣ, и услы́ши глаго́лы моя́. Согре́шихъ бо, Го́споди, согре́шихъ на не́бо и предъ Тобою́, и нѣсмь досто́инъ воззрѣти на высоту́ славы Твоея́: прогнѣвахъ бо Твою́ бла́гость, Твоя́ заповѣди прѣступѣвъ, и не послу́шавъ Твои́хъ повелѣній. Но Ты, Го́споди, незлобѣвъ сый, долготерпѣливъ же и многомилостивъ, не пре́далъ еси́ мя поги́бнути со беззако́нныи моими́, моего́ всячески ожида́я обраще́нія. Ты бо реклъ еси́, Человѣколю́бче, проро́комъ Твои́мъ: я́ко хотѣніемъ не хо́щу смѣрти грѣшника, но е́же обрати́тися и живу́ бы́ти ему́. Не хо́щещи бо, Влады́ко, создáнія Твоею́ руку́ погуби́ти, ниже́ благоволи́ши о поги́бели челове́честѣй, но хо́щещи всѣмъ спасти́ся, и въ ра́зумъ истины прѣити́. Тѣмже и азъ, а́ще и недосто́инъ есмь небесе́ и земли́, и сея́ привре́менныя жи́зни, всего́ себя́ повинувъ грѣху́, и сласте́мъ порабо́тивъ, и Твой оскверни́въ о́бразъ: но творе́ние и создáние Твое́ бывъ, не отчая́ваю своего́ спасе́нія ока́нный, на Твое́ же безмѣрное благоутро́біе дерзая́ прихо́жду. Прѣими́ у́бо и мене́, Человѣколю́бче Го́споди, я́коже блудни́цу, я́ко разбо́йника, я́ко мытаря́, и я́ко блуднаго: и возми́ мое́ тяжкое брѣмя грѣховъ, грѣхъ вземля́и міра, и немо́щи челове́честкія исцѣля́й, тружда́ющыяся и обременѣ́нныя къ Себѣ́ призыва́й и упокоева́й: не прише́дый призвати́ праведныя, но грѣшныя на пока́ніе: и очисти́ мя отъ всякія скверны́ плоти́ и ду́ха, и научи́ мя соверша́ти святы́ню во стра́съ Твоёмъ: я́ко да чистымъ свѣдѣ́ніемъ совѣсти́ моея́, святы́нь Твои́хъ часть прѣемля́, соединю́ся свято́му Тѣ́лу Твоему́ и Кро́ви, и имѣю́ Тебе́ во мнѣ́ живу́ща и пребы́вающа, со Отце́мъ, и Святы́мъ Твои́мъ Ду́хомъ. Ей, Го́споди Иису́се Христе́, Бо́же мой, и да не въ судъ ми бу́детъ прича́стїе пречистыхъ и животворя́щихъ Таи́нь Твои́хъ, ниже́ да немо́щень бу́ду душею́ же и тѣ́ломъ, отъ е́же недосто́инъ тѣ́мъ причаща́тися, но даждь ми, да́же до конѣчнаго моего́ издыха́нія, неосужде́нно воспрѣима́ти часть святы́нь Твои́хъ, въ Ду́ха Свята́го общѣ́ніе, въ напу́тіе живота́

вѣчнаго, и во благопріятенъ отвѣтъ на страшнѣмъ судищи Твоемъ: яко да и азъ со всѣми избранными Твоими общникъ буду нетлѣнныхъ Твоихъ благъ, яже уготовалъ еси любящимъ Тя, Господи: въ нихже препрославленъ еси во вѣки. Аминь.

### Молитва 2-я, иже во святыхъ отца нашего Іоанна Златоустаго:

Господи Боже мой, вѣмъ, яко нѣсмь достоинъ, ниже доволенъ, да подь кровь внидеши храма души моея, занеже весь пусть и пался есть, и не имаша во мнѣ мѣста достойна, еже главу подклонити: но якоже съ высоты насъ ради смирилъ еси Себе, смирися и нынѣ смиренію моему: и якоже воспріялъ еси въ вертепѣ и въ яслѣхъ безсловесныхъ возлещи, сице воспріими и въ яслѣхъ безсловесныхъ моея души, во оскверненное мое тѣло внити. И якоже не неудобостойлъ еси внити, и свечеряти со грѣшники въ дому Симона прокаженного, тако изволи внити и въ домъ смиренныхъ моея души, прокаженныхъ и грѣшныхъ: и якоже не отринулъ еси подобную мнѣ блудницу, и грѣшную, пришедшую и прикоснувшуюся Тебѣ, сице умилосердися и о мнѣ грѣшнѣмъ, приходящемъ и прикасающемся; и якоже не возгнушался скверныхъ ея усть и нечистыхъ, цѣлующихъ Тя, ниже моихъ возгнушайся скверныхъ оныхъ усть и нечистыхъ, ниже мерзкихъ моихъ и нечистыхъ устенъ, и сквернаго и нечистѣйшаго моего языка. Но да будетъ ми угодъ пресвятаго Твоего Тѣла и честнаго Крове, во освященіе, и просвѣщеніе и здравіе смиреннѣй моея души и тѣлу, во облегченіе тяжестей многыхъ моихъ согрѣшеній, въ соблюденіе отъ всякаго діавольскаго дѣйства, во отгнаніе и возбраненіе злаго моего и лукаваго обычая, во умерщвленіе страстей, въ снабдѣніе заповѣдей Твоихъ, въ приложеніе Божественныхъ Твоея благодати, и Твоего Царствія присвоеніе. Не бо яко презираяй приходяду къ Тебѣ, Христе Боже, но яко дерзая на неизреченную Твою благодать, и да не на мнозѣ удаляяйся общенія Твоего, отъ мысленнаго волка звѣроуловленъ буду. Тѣмже молюся Тебѣ: яко единъ сый Святъ, Владыко, освяти мою душу и тѣло, умъ и сердце, чревеса и утробы, и всего мя обнови, и вкорени страхъ Твой во удесѣхъ моихъ, и освященіе Твое неотъемлемо отъ мене сотвори: и буди ми помощникъ и заступникъ,

окормляя въ міръ животь мой, сподобляя мя и одесную Тебѣ предстоянія со святыми Твоими, молитвами и моленьми Пречистыя Твоея Матере, невещественныхъ Твоихъ служителей и пречистыхъ силъ, и всѣхъ святыхъ, отъ вѣка Тебѣ благоугодившихъ. Аминь.

### Молитва 3-я, Свмеона Метафраста:

Едине чистый и нетлѣнный Господи, за неизреченную милость челоѡколюбія, наше все воспріемый смѣшеніе, отъ чистыхъ и дѣвственныхъ кровей паче естества Родшія Тя, Духа Божественнаго нашествіемъ, и благоволеніемъ Отца присносущнаго, Христѣ Иисусе, премудросте Божія, и мире, и сило: Твоимъ воспріятіемъ животворящая и спасительная страданія воспріемый, крестъ, гвоздіа, копіе, смерть: умертви моя душеленная страсти тѣлесныя. Погребеніемъ Твоимъ адова плѣнивый царствія, погреби моя благими помыслы лукавая совѣтованія, и лукавствія дүхи разори. Триднѣвнымъ Твоимъ и живоноснымъ воскресеніемъ падшаго праотца возставивый, возстави мя грѣхомъ поползшагося, образы мнѣ покаянія предлагая. Преславнымъ Твоимъ вознесеніемъ плотское обоживый воспріятіе, и сіе деснымъ Отца сдѣніемъ почтый, сподоби мя причастиемъ святыхъ Твоихъ Таинъ, десную часть спасаемыхъ получитьи. Снитіемъ Утѣшителя Твоего Духа сосуды честны священныя Твоя ученики содѣлавый, пріятелище и менѣ покажи Того пришествія. Хотяй паки пріити судити вселеннѣй правдою, благоволи и мнѣ усрѣсти Тя на облацѣхъ, Судію и Создателя моего, со всѣми святыми Твоими: да безконечно славословлю и воспѣваю Тя, со безначальнымъ Твоимъ Отцемъ, и Пресвятымъ и благимъ и животворящимъ Твоимъ Духомъ, нынѣ и присно, и во вѣки вѣковъ. Аминь.

### Молитва 4-я, Божественнаго Дамаскина:

Владыко Господи Иисусе Христѣ, Боже нашъ, едине имѣяй власть челоѡкомъ оставляти грѣхи, яко благъ и Челоѡколюбець презри моя вся въ вѣдѣніи и не въ вѣдѣніи прегрѣшенія: и сподоби мя неосужденно причастигися Божественныхъ, и преславныхъ, и пречистыхъ, и животворящихъ Твоихъ Таинъ, не въ тяжесть, ни въ

муку, ни въ приложеніе грѣховъ: но во очищеніе, и освященіе, и обрученіе будущаго живота и царствія, въ стѣну и помощь, и въ возраженіе сопротивныхъ, во истребленіе многихъ моихъ согрѣшеній. Ты бо еси Богъ милости, и щедротъ, и челоуѣколюбія, и Тебѣ славу возсылаемъ, со Отцемъ, и Святымъ Духомъ, нынѣ и присно, и во вѣки вѣковъ. Аминь.

#### Молитва 5-я, Великаго Василия:

Вѣмъ, Господи, яко недостойнѣ причащаюся пречистаго Твоего Тѣла и честныя Твоея Крове, и повиненъ есмь, и судъ себѣ ямъ и пію, не разсуждая Тѣла и Крове Тебѣ Христа и Бога моего: но на щедроты Твоя дерзая прихожду къ Тебѣ рекшему: ядый Мою плоть, и пійи Мою кровь, во Мнѣ пребываетъ, и Азъ въ немъ. Умилосѣрдися убо, Господи, и не обличи мя грѣшнаго, но сотвори со мною по милости Твоей: и да будутъ ми святая сія, во исцѣленіе, и очищеніе, и просвѣщеніе, и сохраненіе, и спасеніе, и во освященіе души и тѣла: во отгнаніе всякаго мечтанія, и лукаваго дѣянія, и дѣйства діавольскаго, мысленнѣ во удесѣхъ моихъ дѣйствуемаго, въ дерзновеніе и любовь яже къ Тебѣ: во исправленіе житія и утвержденіе, въ возвращеніе добродѣтели и совершенства: во исполненіе заповѣдей, въ Духа Святаго общеніе, въ напутіе живота вѣчнаго, во отвѣтъ благопріятель на стращенѣмъ судищи Твоемъ: не въ судъ, или во осужденіе.

#### Молитва 6-я, св. Свмеона Новаго Богослова:

Отъ скверныхъ устенъ, отъ мерзкаго сердца, отъ нечистаго языка, отъ души осквернены, приими моленіе, Христе мой, и не презри моихъ, ни словесъ, ниже образовъ, ниже безстыдія. Дажь ми дерзновенно глаголати, яже хочу, Христе мой, паче же и научи мя, что ми подобаеть творити и глаголати: согрѣшихъ паче блудницы, яже увѣдѣ гдѣ обитаеши, мѣро купивши, прииде дерзостнѣ помазати Твои нозѣ, Бога моего, Владыки и Христа моего. Якоже ону не отринулъ еси пришедшую отъ сердца, ниже менѣ возгнушайся, Слово: Твои же ми подаждь нозѣ, и держати и цѣловати, и струями слезными, яко многоцѣннымъ мѣромъ, сія дерзостно помазати. Омый

мя слезами моими, очисти мя ими, Слове. Остави и прегрѣшенія моя, и прощѣніе ми подаждь. Вѣси золь множество, вѣси и струпы моя, и язвы зриши моя, но и вѣру вѣси, и произволѣніе зриши, и воздыханіе слышиши. Не таится Тебѣ, Боже мой, Творче мой, Избавителю мой, ниже капля слезная, ниже капли часть нѣкая. Несодѣланное мое видѣсте очи Твои, въ книзѣ же Твоей и еще несодѣянная написана Тебѣ суть. Виждь смиреніе мое, виждь трудъ мой еликъ, и грѣхи вся остави ми, Боже всяческихъ: да чистымъ сердцемъ, притрепетною мыслію и душею сокрушенною нескверныхъ Твоихъ причащуся и пресвятыхъ Таинъ, имиже оживляется и обожается всякъ ядый же и пій чистымъ сердцемъ. Ты бо рекль еси, Владыко мой: всякъ ядый Мою Плоть и пій Мою Кровь, во Мнѣ убо сей пребываетъ, въ немъ же и Азь есмь. Истинно слово всяко Владыки и Бога моего: божественныхъ бо причащайся и боготворящихъ благодатей, не убо есмь единъ, но съ Тобою, Христѣ мой, свѣтомъ трисолнечнымъ, просвѣщающимъ міръ. Да убо не единъ пребуду кромѣ Тебѣ Живодавца, дыханія моего, живота моего, радованія моего, спасенія міру. Сего ради къ Тебѣ приступихъ, якоже зриши, со слезами, и душею сокрушенною, избавленія моихъ прегрѣшеній прошу пріяти ми, и Твоихъ живодательныхъ и непорочныхъ таинствъ причаститися неосужденно, да пребудеши, якоже рекль еси, со мною треокайнымъ, да не кромѣ обрѣтъ мя Твоя благодати, прелестникъ восхититъ мя льстивнѣ, и прельстивъ отведѣтъ боготворящихъ Твоихъ словесъ. Сего ради къ Тебѣ припадаю, и теплѣ вопію Ти: якоже блуднаго пріялъ еси, и блудницу пришедшую: тако пріими мя блуднаго и сквернаго, Щедре. Душею сокрушенною, нынѣ бо къ Тебѣ приходя, вѣмъ, Спасе, яко иной, якоже азъ, не прегрѣши Тебѣ, ниже содѣя дѣянія, яже азъ содѣяхъ. Но сіе паки вѣмъ, яко не величество прегрѣшеній, ни грѣховъ множество превосходитъ Бога моего многое долготерпѣніе, и чловѣколюбіе крайнее: но милостію сострастія теплѣ кающыяся, и чистиши, и свѣтлиши, и свѣта твориши причастники, общники Божества Твоего содѣловаяй незавѣстно, и странное и Ангеломъ, и чловѣческимъ мыслемъ, бесѣдуеши имъ многажды, якоже другомъ Твоимъ истиннымъ. Сія дерзостна творять мя, сія вперяють мя, Христѣ

мой. И дерзая Твоимъ богатымъ къ намъ благодареніемъ, радуясь вкупѣ и трепеща, огневи причащаюся, трава сый, и странно чудо, орошаемъ неопально, якоже убо купина древле неопальнѣ горящи. Нынѣ благодарною мыслію, благодарнымъ же сердцемъ, благодарными удесы моими, души и тѣла моего, покланяюся и величаю, и славословлю Тя, Боже мой, яко благословенна суща, нынѣ же и во вѣки.

### Молитва 7-я, иная Златоустаго:

Боже, ослаби, остави, прости ми согрѣшенія моя, елика Ти согрѣшихъ, аще словомъ, аще дѣломъ, аще помышленіемъ, волею или неволею, разумомъ или неразуміемъ, вся ми прости яко благъ и Человѣколюбецъ. И молитвами Пречистыя Твоея Матере, умныхъ Твоихъ служителей и святыхъ силъ, и всѣхъ святыхъ, отъ вѣка Тебѣ благоудившихъ, неосужденно благоволи пріяти ми святое и пречистое Твое Тѣло и честную Кровь, во исцѣленіе души же и тѣла, и во очищеніе лукавыхъ моихъ помышлений. Яко Твое есть царство и сила и слава, со Отцемъ и Святымъ Духомъ, нынѣ и присно, и во вѣки вѣковъ. Аминь.

### Молитва 8-я, тогожде:

Нѣсмь доволенъ, Владыко Господи, да видиши подъ кровъ души моя: но понеже хощеши Ты, яко Человѣколюбецъ жити во мнѣ, дерзая приступаю: повелѣваеши, да отверзу двѣри, яже Ты единъ создалъ еси, и видиши со человѣколюбіемъ якоже еси, видиши и просвѣщаеши помраченый мой помысль. Вѣрую, яко сіе сотвориши: не бо блудницу, со слезами пришедшую къ Тебѣ, отгналъ еси: ниже мытаря отвергль еси покающаяся: ниже разбойника, познавша царство Твое, отгналъ еси: ниже гонителя покающаяся оставилъ еси, еже бѣ: но отъ покаянія Тебѣ пришедшыя вся, въ лицѣ Твоихъ друзей вчинилъ еси, единъ сый благословенный всегда, нынѣ и въ безконечныя вѣки. Аминь.

### Молитва 9-я, тогожде:

Господи Иисусе Христе, Боже мой, ослаби, остави, очисти, и прости ми, грѣшному, и непотребному, и недостойному рабу Твоему прегрѣшенія, и согрѣшенія, и грѣхопадѣнія моя, елика Ти отъ юности моея, даже до настоящаго дне и часа согрѣшихъ: аще въ разумѣ и въ неразуміи, аще въ словесѣхъ или дѣлѣхъ, или помышленіихъ и мыслехъ, и начинаніихъ, и всѣхъ моихъ чувствахъ. И молитвами безсѣменно рождшія Тя, Пречистыя и Приснодѣвы Маріи, Матере Твоея, единыя непостыдныя надежды и предстаѣтельства и спасенія моего, сподоби мя неосужденно причаститися пречистыхъ, безсмертныхъ, животворящихъ и страшныхъ Твоихъ Таинствъ, во оставленіе грѣховъ и въ жизнь вѣчную: во освященіе, и просвѣщеніе, крѣпость, исцѣленіе, и здравіе души же и тѣла, и въ потребленіе и всесовершенное погубленіе лукавыхъ моихъ помысловъ, и помышлений, и предпріятій, и ноцныхъ мечтаній, темныхъ и лукавыхъ духовъ: яко Твое есть царство, и сила, и слава, и честь, и поклоненіе, со Отцемъ и Святымъ Твоимъ Духомъ, нынѣ и присно, и во вѣки вѣковъ. Аминь.

### Молитва 10-я, иная Іоанна Дамаскина:

Предъ дверьми храма Твоего предстою, и лютыхъ помышлений не отступаю: но Ты, Христе Боже, мытаря оправдивый, и Хананею помиловавый, и разбойнику рая двери отверзый, отверзи ми утробы челолюбія Твоего, и приими мя приходяща и прикасающася Тебѣ, яко блудницу, и кровоточивую: ова убо края ризы Твоея коснувшись, удобъ исцѣленіе пріять: ова же пречистыи Твои нозѣ удержавши, разрѣшеніе грѣховъ понесѣ. Азъ же, окаянный, все Твое Тѣло дерзая воспріяти, да не опаленъ буду: но приими мя, якоже оныя, и просвѣти моя душевныя чувства, поपालя моя грѣховныя вины, молитвами безсѣменно Рождшія Тя, и небесныхъ силъ; яко благословенъ еси во вѣки вѣковъ. Аминь.

### Молитва иная Златоустаго:

Вѣрую, Господи, и исповѣдую, яко Ты еси воистинну Христось, Сынъ Бога живаго, пришедый въ миръ грѣшныя спасти, отъ нихже первый есмь азъ. Еще вѣрую, яко сіе есть самое пречистое Тѣло Твое, и сія есть самая честная Кровь Твоя. Молюся убо Тебѣ: помилуй мя, и прости ми прегрѣшенія моя, вольная и невольная, яже словомъ, яже дѣломъ, яже вѣдѣніемъ и невѣдѣніемъ, и сподоби мя неосужденно причаститися пречистыхъ Твоихъ Таинствъ, во оставленіе грѣховъ, и въ жизнь вѣчную. Аминь.

*Приходяй же причаститися,  
глаголи въ себѣ настоящія стихи Метафраста:*

Се приступаю къ Божественному Причащенію.

Содѣтелю, да не опалиши мя приобщеніемъ:

Огнь бо еси, недостойныя попяляя.

Но убо очисти мя отъ всякія скверны.

*Таже паки глаголи:*

Вѣчери Твоея тайныя днесь, Сыне Божій, причастника мя прими: не бо врагомъ Твоимъ тайну повѣмъ, ни лобзанія Ти дамъ, яко Іуда, но яко разбойникъ, исповѣдую Тя: помяни мя, Господи, во Царствіи Твоемъ.

*Паки стихи сія:*

Боготворящую Кровь ужаснися, человекъ, зря:

Огнь бо есть, недостойныя попяляя.

Божественное Тѣло и обожаеть мя и питаеть.

Обожаеть духъ, умъ же питаеть странно.

*Таже тропари:*

Усладилъ мя еси любовію, Христѣ, и изменилъ мя еси Божественнымъ Твоимъ раченіемъ: но попали огнемъ невестественнымъ грѣхи моя, и насытитися еже въ Тебѣ, наслажденія сподоби: да ликуя возвеличаю, Блаже, два пришествія Твоя.

Во свѣтлостехъ святыхъ Твоихъ како вниду недостойный? Аще бо дерзну совнѣти въ чертогъ, одежда мя обличаетъ, яко нѣсть брачна, и связанъ извержень буду отъ Ангеловъ. Очисти, Господи, скверну души моея, и спаси мя, яко Человѣколюбець.

*Таже молитву:*

Владыко Человѣколюбче, Господи Иисусе Христе, Боже мой, да не въ судъ ми будутъ святая сія, за еже недостойну ми быти: но во очищѣніе и освящѣніе души же и тѣла, и во обручѣніе будущія жизни и царствія. Мнѣ же, еже прилѣпятся Богу, благо есть, полагати во Господѣ упованіе спасенія моего.

*И пакы:*

Вѣчери Твоея тайныя днесь, Сыне Божій, причастника мя прими: не бо врагомъ Твоимъ тайну повѣмъ, ни лобзанія Ти дамъ, яко Іуда, но яко разбойникъ, исповѣдую Тя: помяни мя, Господи, во Царствіи Твоемъ.